

大清穆宗毅皇帝聖訓

卷一百三十四
靖奸究一



大清穆宗繼天開運受中居正保大定功聖智誠
孝信敏恭寬毅皇帝聖訓卷之一百

咸豐十一年辛酉九月己酉



上諭內閣袁甲三奏道員甘心叛逆派兵進討一

摺四川川北道苗沛霖以生員辦理團練受

皇考大行皇帝厚恩四年之間擢任道員以記名

鹽運使賞加布政使銜並賞給花翎勇號該員

宜如何感激圖報乃因所部練勇被害糾眾圍

攻壽州

皇考不加譴責。諭令袁甲三等秉公查辦。迨經翁同書查明起釁根由。將徐立壯正法。孫家泰於監禁後。旋亦畏罪自盡。該員自己無所藉口。乃圍攻壽州之練。不卽撤退。復遣其黨苗金開等竄擾河南。日形跋扈。茲據袁甲三奏。該練圍攻壽州愈急。並令死黨張士端等踞守懷遠。抗拒官軍。且受粵逆偽封。偏令練眾蓄髮。四出搶掠。是其甘心叛逆。自外生成。萬難寬貸。四川川北

道苗沛霖著卽行革職。並拔去花翎。撤銷勇號。卽著袁甲三、李世忠調派官軍。並會合賈臻、田在甲、嚴樹森、毛昶熙等各路兵勇奮力進剿。以申國法。各帶兵大員止將逆首苗沛霖擒獲。盡法處治。其黨與如自拔來歸。概免究辦。其從前立功得有官職者。亦各照舊。如能縛獻首逆。或隨同官軍勦賊出力。仍當優加獎勵。並著袁甲三等曉諭該練眾人等知之。

十月癸酉

○上諭內閣綿宜奏請嚴緝盜匪從重定擬罪名一摺京師為輦轂重地豈容宵小潛蹤近來創劫之案層見疊出持刀明火肆無忌憚地方官弁兵役形同聾聵並不嚴行緝捕甚至直班下夜一切視為具文以致盜匪橫行殊堪痛恨著步軍統領衙門順天府五城嚴飭所屬認真緝捕

嗣後京城地面如再有明火劫劫之案即將該
地方官弁兵役從重叅辦責革毋稍徇庇至盜
賊為害閭閻本屬法無可貸凡有明火持械入
人房院者准該事主格殺勿論其就獲之犯刑
部堂司各官務當破除積習嚴行訊鞫一經得
實卽著從重照無分首從之例並無論贓數多
寡立即處斬不得以情罪稍輕意存開脫並不
准以犯在詔前等情奏請查辦其知情窩賊分

刑部妥議具奏
贓確有證據者應如何從重處治以清盜源並

十一月庚寅

○ 上諭內閣前據御史卞寶第翰林院侍讀學士王祖培奏近畿一帶盜風日熾請飭認真緝捕疊經諭令張祥河董恂文煜嚴拏究辦本日復據翰林院侍講學士楊秉璋奏請嚴緝盜賊一一一一摺近來捕務廢弛地方官恐干處分大半詳盜不報其過搶劫重案不能彌縫者遲之

又久始行呈報雖經該督撫奏參勒緝而盜蹤
已早遠颺迫限滿無獲該上司又復飾詞改調
他任豫為開脫處分地步地方官既視緝捕為
具文遂致宵小朋比為奸蠹役為之庇護棍徒
為之窩藏玩法擾民殊堪痛恨現在直隸境內
搶劫之案層見疊出該省地近京師豈可任奸
宄溷跡亟應嚴行懲辦以清畿輔而衛閭閻著
順天府直隸總督嚴飭各州縣將境內墩鋪一

律修葺添派兵役認真巡邏並責令所轄文武
員弁會同鄰境地方官每月會哨數次以資聯
絡嗣後遇有盜案該州縣不即行詳報者即照
諱盜律治罪該管上司不即行參奏以及參限
將滿復改調他任巧為開脫處分者一體交部
嚴加議處

戊戌

上諭內閣據文煜覆奏查明盜劫各案或業經破獲或先已奏參或現在查辦等語任意鋪張毫無實濟內除良鄉縣境內搶劫委員銀兩一案現據破獲正犯雞王二等供認究辦外其餘各案所稱批司記過委員確查等語顯係有心支飾近畿地方盜賊橫行特旨寄諭查辦猶敢如

Grid with faint bleed-through text from the reverse side of the page.

此枝梧延宕其平日之捕務廢弛疏縱諱匿已
可概見尚復成何事體日久釀成巨案該督能
當此重咎耶著張祥河董恂文煜仍遵前旨迅
將各案嚴飭所屬查拏究辦毋得再有遷延粉
飾其有未經呈報各案並卽確切查明據實嚴
叅該督所轄各營汛弁兵均有緝捕之責並著
飭令各營認真操練盤詰奸宄與各屬團練州
縣捕役一律整頓以弭盜賊而安善良

壬寅

○ 上諭議政王軍機大臣等有人奏直隸山陝地方
盜賊橫行請豫籌翦除等語近畿盜風日熾疊
經嚴諭文煜等嚴密查拏訊明正法並將巢穴
窩藏處所一併掃除若如所奏由陝西至直隸
一路驛站兵堡更棚幾同虛設搶劫時起且近
京一帶騎馬賊尤多若不早行撲滅始則為行

旅之憂。繼遂成燎原之勢。為害滋大。著文煜英
桂瑛。嚴飭所屬。認真訪拏。就地正法。該督撫
等務當嚴飭地方文武。毋分畛域。協力兜拏。將
該匪巢穴。一律掃除。俾奸宄無處潛蹤。並飭各
屬鄉團。勤加訓練。以資守望。其驛站墩鋪巡邏
各事。尤須力加整頓。儻地方官有捕務廢弛。或
諱盜不報者。立即嚴參懲辦。以儆疲玩。至擒匪
垂涎山陝已久。所有派出員弁兵勇。應如何擇

地駐紮。扼要隘。並著英桂瑛。實力講求。派
委得力大員。相度形勢。扼要防勦。毋令匪蹤闌
入。以保完善之區。

○

上

諭議政王軍機大臣等文煜奏節次拏獲梟盜

多名現在覆審究辦一摺直隸滄州青縣及天

津河間二府屬密邇京畿各梟盜膽敢肆行搶

劫竟有人數聚至數百開礮拒捕之事實屬形

同叛逆經文煜飭各該地方會同委員節次擒

獲騎馬賊多名著卽嚴訊究辦就地正法在逃


十二月戊午

十二月

部

之二張飛等著卽飭屬嚴拏務獲究辦近畿一帶盜風日熾居民行旅大受擾害此總由於不肖州縣諱盜為竊自顧考成歷任各上司更從而彌縫諱飾養癰貽患至於此極據文煜奏稱先後拏獲梟盜僅止十餘名此外結黨橫行者當復不少著文煜嚴飭各屬揆拏務期一律緝捕淨盡不准再任匪蹤潛匿儻該督不能隨時查察以致所屬員弁奉行不力任令匪徒遠颺

犯無弋獲恐該督不能當此重咎



條

乙亥

上諭獲重獲等王朔等等白凌阿帶領匪眾二三百人竄至義州境內經官兵捕勦向東竄逸請飭

白凌河係著名盜首為此以備上等語盜匪白凌阿膽

姑留此條餘可全等節

速勦除必至養癰胎

旨中者等論可不等節
三月身河謝馬隊剋期兜勦著理藩

院由六百里傳諭卓索圖圖哲里木蒙古各王旗

侍

〇

乙亥

上

諭護臺樊巽等等奏言白凌阿帶領匪眾二三百

人竄至義州境內經官兵捕勦向東竄逸請飭

蒙古各王旗派兵協勦各等語盜匪白凌阿膽

敢糾眾抗拒官兵若不迅速勦除必至養癰貽

患已諭知玉明等添調馬隊剋期兜勦著理藩

院由六百里傳諭卓索圖圖哲里木蒙古各王旗

蒙古各王旗

一體派兵協同堵剿使該犯無立足之處即可
殲除淨盡並著將屬下人等嚴加約束毋得窩
藏容留及勾結為匪情事以期盡殲醜類儻不
認真勦辦致令盜匪竄逸則咎有攸歸諒該蒙
古王旗必知此意也

○
同治元年壬戌正月壬辰

上諭內閣瑞常等奏遵旨會議一摺前因御史瑞
亨奏請修復堆撥柵欄並飭五城認真稽查各
摺片當經降旨著步軍統領衙門會同都察院
五城御史議奏茲據奏稱八旗地方照該御史
所奏各按界址由巡城御史與步軍統領衙門
表裏稽查應如所議辦理至堆撥柵欄損壞處

所均應及時修補。各住戶紳富軍民人等急公好義者居多。如欲自行修理，亦聽其鳩工建立，共相保衛，以昭嚴肅。地方官弁不得從中掣肘。另片奏請嚴查保甲一節，著八旗滿洲蒙古漢軍都統各按本旗所屬地面，凡居住之旗民人等，以及鋪戶廟宇客寓，即行各派委員會同地面官認真查察，按月造冊咨報。步軍統領衙門與各該地面官所造冊檔互相覈對，儻有容留

形跡可疑之人，即由該旗移送步軍統領衙門審辦。並著各該管衙門堂官互相糾察。如查有派委之員及地面官等奉行不力，即著從嚴叅辦。

癸巳

上諭議政王軍機大臣等前因玉明等奏稱義州

此旨官入請行究

石指稱盜首白凌阿帶領

由經諭令玉明景綸春佑

各派官兵剿辦並諭令理藩院傳諭卓索

圖哲里木蒙古各王旗協同堵剿近來蒙古各

王旗地面每有內地盜匪竄至該處嘯聚屯踞

癸巳

上諭議政王軍機大臣等前因玉明等奏稱義州
界內有賊匪二三百名指稱盜首白凌阿帶領
在閭陽驛等處竄擾當經諭令玉明景綸春佑
各派官兵協同勦捕並諭令理藩院傳諭卓索
圖哲里木蒙古各王旗協同堵勦近來蒙古各
王旗地面每有內地盜匪竄至該處嘯聚屯踞

總由各該王旗等不能齊心一力以致各匪徒
來去自如肆無忌憚況白凌阿卽係該蒙古王
旗屬下之人豈可任其四出滋擾設其黨愈聚
愈眾該王旗部落亦必先受其害著理藩院由
六百里傳諭卓索圖哲里木昭烏達蒙古各盟
長各派兵丁於本境地協同堵剿儻遇邊內
官兵追賊至境卽會同實力按捕並嚴約屬下
人等毋得容留隱匿使該盜匪無容身之地方

能淨絕根株

庚子

上諭議政王軍機大臣等近日風聞直隸滄州海口有海船駛至所載係江浙難民並已駛進海口已由總理衙門行文文煜等查辦旋據崇厚呈報總理衙門與所聞情形略同現在海河未盡開凍北風司令南省船隻何以遽能駛至且江浙難民避至閩廣等處尚在意中何以輒來

北省雇賃海船價值非輕。既係難民，何能有此力量。實屬可疑。著文煜崇厚，刻即遴派幹員，星馳前赴滄州查看。該船共係幾號，所載共若干人，是否實係難民，如形跡實有可疑，即會同該地方文武設法擒拏。此項船隻既已託稱難民，即未攜帶器械，亦恐係賊匪假冒。探問直省虛實而來，文煜等務當督飭委員，該地方官嚴行查究，認真辦理，不得稍涉草率。儻敢意存將就，或

以驅逐出境，即為了事。將來別經聞訪，惟文煜等是問。盛京為根本重地，山東密邇畿輔，防範尤宜嚴密。即著玉明、僧格林沁、譚廷襄將各該海口防務，派委賢員會同各該地方官實心辦理，毋許稍涉鬆懈，致有貽誤。

二月庚申

○
上諭內閣步軍統領衙門奏酌擬下夜緝盜章程
各摺片京師為輦穀重地近時搶劫盜層見疊
出捕實屬廢弛茲據瑞常等酌擬下夜章程並
請嚴定緝捕處分著即照議辦理所有該衙門
舊有及新挑技勇兵著准其暫停派往堆撥責
令管理四場章京等管帶於皇城內外八旗地

面輪班下夜認真巡緝。遇有明火聚眾搶劫盜匪，務即拏獲，不准疏脫。儻敢拒捕，准其格殺勿論。如查有居民鋪戶聚集多人吸煙聚賭，及三五成羣夜遊街巷者，立即拏獲究辦，並責成兩翼翼尉督飭與各旗固山達步軍校所帶下夜步甲一體巡邏，仍查照向章申明夜禁，以符定制。該兵丁等果能實力巡查捕獲盜犯，除官給重賞外，准其將尤為出力者格外超拔。該管帶

章京等准其於定案時立即酌量保奏。儻有怠惰疏防等弊，即著將下夜巡緝之章京及地面官等從嚴叅辦。其外城以及各城門關廂集鎮並著責成巡捕五營將弁督率兵丁按照現擬章程酌量分起，各按所管地面會同本汛團防訪查緝捕，不准疏懈。其一切賞罰均著照皇城內外八旗地面一律辦理。至兩翼翼尉及巡捕營將弁等儻敢狃於積習，不知振作，於現擬章

程陽奉陰違意存掣肘一經查出卽著步軍統領等從嚴叅革其各官廳辦事人等如查有把持地面徇情受賄容留盜匪暗通信息藉端訛詐等弊刻卽解交刑部治罪若係該翼尉等自行查出者免其叅處別經發覺者卽將該翼尉等隨案解任一併交刑部嚴行究辦

己卯

軍機大臣等

上諭議政王譚廷襄奏查辦折回降眾及勦撫河東水套內屯匪情形並遮克敦布等奏進勦南路擒匪獲勝查辦逃回降眾漸次就緒各摺片降眾張玉懷等前經勝保帶赴豫省勦賊竟敢私自折回立予駢誅亦屬罪所應得惟據譚廷襄等查明該降眾折回係由渡河無船又乏口

食所致尚非遽行反側到籍後投官稟訴懇乞
歸農並據莘冠兩縣各鄉紳團出具保結代為
懇請現在該降眾等呈繳器械馬匹業經分別
散遣譚廷襄遮克敦布等所奏情形大略相同
著即照所議辦理其有情願隨征者仍著分起
押送皖豫軍營其堅欲歸農者並須妥為鈐制
如有不安本分之徒持械打糧等事該撫等務
當隨時掩捕毋稍寬縱至河套屯聚之匪疊經

劉煦督率兵勇分路進剿將習城鎮等處賊巢
全行焚毀其盤踞甘露集餘匪亦即羅拜乞降
匪首石瀨標等束身聽命既據譚廷襄等查明
該匪多係失業流民與甘心從逆者有間亦著
照該撫所議分別安插貸其一死其郭申令等
股是否一律投誠如水套內尚有餘匪藏匿仍
著譚廷襄遮克敦布等痛加勦洗務絕根株毋
許稍有粉飾

三月壬辰

○
上諭議政王軍機大臣等譚廷襄奏查辦樂陵縣
滋事偽團一摺樂陵縣東鄉人萬毓盛等私立
偽團藉漕強交本色勒求減折經委辦官團之
直隸候補知縣李熙載將萬毓盛拏獲送官該
夥黨鄭純輒因偏釋萬毓盛不遂與李熙載及
各紳士尋仇將縣丞史詞家抄搶一空並敢率

眾圍攻縣城復赴鄭家廟圍攻民圩譚廷襄檄
飭委員並該府縣等督兵撲捕該匪等復敢擁
眾開礮迎拒不法已極現在匪寨已經官兵攻
破殲斃匪眾數百名並將鄭蕤之弟鄭煒殲戮
惟鄭蕤及伊弟鄭煦暨匪黨十數人逃至直隸
慶雲縣一帶藏匿亟應嚴密捕拏以淨根株著
譚廷襄速行派員前赴慶雲縣並直隸附近一
帶密速掩捕並著文煜派員前往該處會同譚

廷襄所派委員及該地方官一體兜拏務令悉
數擒獲毋令一名漏網以儆兇頑山東省自辦
團以來不逞之徒藉稱練勇私相結聚動輒糾
眾抗糧圍城滋事文煜前在東撫任內據奏山
東十府二直隸州止登州一府尚無抗糧情弊
其餘九府二州錢糧多半延抗惡習相沿已非
一日若非嚴行懲辦恐又蹈河南聯莊會故轍
此次譚廷襄查辦樂陵縣滋事偽團尚屬認真

惟東省糾眾抗官之案不止一處嗣後於此等
匪犯務宜實力捕拏以挽積習毋得姑息因循
養癰貽患

乙未

上諭議政王軍機大臣等有人奏京外盜賊橫行
請飭查辦等語據稱本年正月間有湖北會試
舉人在內邱縣地方被騎馬賊強劫衣物一空
該舉人赴縣投訴賊尚在近地分贓該縣知縣
延至兩日始派役往緝賊遂遠颺各等語內邱
地當孔道該匪膽敢騎馬持械白晝攔截車輛

劫銀至一千餘兩之多，實屬目無法紀。年來直隸境內，屢有騎馬賊強劫之案，疊次嚴諭該督實力整頓，不啻至再至三。該督亦屢次奏稱獲犯正法，何以至今盜風仍未稍戢。著文煜迅卽飭令內邱縣知縣將此起賊犯趕緊緝拏，務期賊賊並獲，不准一名漏網，並查取該管地方文武各官職名，先行嚴叅懲辦，以儆效尤。此外各州縣如有似此搶劫之案，並著一體嚴飭緝捕。

務獲，儻敢仍前玩泄，卽行隨時嚴叅，毋許徇隱。

崇厚奏稱鄭蕤等設立團練號為東團聚眾抗
拒漕糧經前辦團練大臣杜翻派委李熙載前往樂陵
舉辦團練兼查鄭蕤聚眾漕抗糧之事李熙載自為官
團因有東西團之名拏獲東團團長萬毓盛宅目解
府於是鄭蕤與李熙載互相仇殺本年正月間
鄭蕤聚眾攻城經譚廷襄派員勦辦鄭蕤率眾
抗拒當經官軍擊退現仍盤踞樂陵東鄉之東
辛店李莊等處時圖報復並未竄往直隸境內

且有往鄰境勾結鹽梟之說李熙載自知與鄭
蕤等仇深潛赴直隸易州查兩團挾嫌仇殺未
嘗不由於李熙載辦理不善所激而成請飭撫
臣持平妥辦等語鄭蕤等藉團為名聚眾抗漕
已屬不法復膽敢攻撲城池以圖報復尤為法所
難容惟其同團居住良民未必人人從逆李熙
載以派辦該處團練之員並不妥為辦理輒因
宅目尋仇釀成巨患迨鄭蕤等攻城圖報復該員

竟潛行逃避罪實難辭著譚廷襄揀派公正司
道大員前往將兩團仇殺各情持平妥為開導
除鄭蕤等攻城抗官法所不宥其餘脅從良民
務當剴切曉諭設法解散其鄭蕤與匪黨十數
人是否逃往慶雲柳一帶抑仍在東辛店等處屯
住務須切實查拏至直隸附近一帶著文煜仍
遵前旨飭所派之員一體兜拏毋令蔓入直境
李熙載激成事端豈得置身事外著飭令聽候

查辦^理李同文所帶天津練勇二百餘名即著崇
厚就近飭令該道會同東省委員迅速妥辦

五月庚戌

上諭內閣、御史陳廷經奏請除積弊、以平錢價一摺、
據稱京師自上年清理官錢票後、錢價漸平、近
復驟長驟落、各錢鋪取錢之人、紛紛擁擠、皆由
各該錢鋪、於現錢錢票、有意低昂、錢票一項、復
巧立現錢票寄存票等名目、甚至買空賣空、通
行市上、諸弊叢生、近日城內、竟有膽敢盜銷當

十大錢以銷化之銅賣與寶源寶泉兩局並銅
鋪內即用大錢銷毀製器各等語銀錢市價為
居民生計攸關豈容鋪戶奸商把持市價任意
高下牟利病民私銷例禁甚嚴豈容任聽此等
奸徒蠹國害民漫無稽察著步軍統領衙門順
天府五城一體嚴查概行禁止如查有前項情弊
立即嚴拿按律懲辦

六月甲寅

○上諭議政王軍機大臣等前因僧格林沁等奏匪
言等皮勅窮感率眾投誠當經諭令該
此條似應入靖奸宄

徐

遵移

匪焦潰温等
乞降經譚廷

襄將該匪等解往僧格林沁軍營覈辦茲據遮
克敦布等奏擒首焦潰温等帶領馬步千餘人

十大錢以銷化之銅賣與寶源寶泉兩局並銅
鋪內即用大錢銷毀製器各等語銀錢市價為
居民生計攸關豈容鋪戶奸商把持市價任意
高下牟利病民私銷例禁甚嚴豈容任聽此等
奸徒蠹國害民漫無稽察著步軍統領衙門順
天府五城一體嚴查概行禁止如查有前項情弊
立即嚴拿按律懲辦

六月甲寅

上諭議政王軍機大臣等前因僧格林沁等奏匪
首董執信等被勦窮蹙率眾投誠當經諭令該
大臣妥為安插復據譚廷襄奏會匪焦潰滔等
竄至馬集被團練擊敗即赴曹郡乞降經譚廷
襄將該匪等解往僧格林沁軍營覈辦茲據遮
克敦布等奏擒首焦潰滔等帶領馬步千餘人

北來焚掠。因劉青和石二隴等被官軍擒獲。探知河北已無接應。其勢益孤。遂就近赴曹州乞降。一摺。並將焦潰渴偽示供詞一併鈔錄呈覽。曹屬會匪焦潰渴等。勾結皖捻李城等。意圖北竄。前經僧格林沁馳奏。覈與該逆供詞實相脗合。現雖窮蹙。乞降。察其狼子野心。斷難馴順。且有與董執信李標等面商再舉之語。是董執信等名為就撫。其實心存叵測。若不及早翦除。必

貽後患。焦潰渴業已解赴僧格林沁軍營。著該大臣提同董執信李標等三犯。卽行正法。其股首及千長百長。類皆桀驁不馴。並著僧格林沁嚴密查察。如仍怙惡不悛。著一併明正典刑。毋稍寬縱。該逆既有求南。捻趙浩然等北來。並與劉前等豎旗北犯之供。仍著僧格林沁譚廷襄

遮克敦布 另片奏以下僅照准之詞
擬均節

張

北來焚掠。因劉青和石二隴等被官軍擒獲。探知河北已無接應。其勢益孤。遂就近赴曹州乞降。一摺。並將焦潰滔偽示供詞一併鈔錄呈覽。曹屬會匪焦潰滔等。勾結皖捻李城等。意圖北竄。前經僧格林沁馳奏。覈與該逆供詞實相脗合。現雖窮蹙乞降。察其狼子野心。斷難馴順。且有與董執信李標等面商再舉之語。是董執信等名為就撫。其實心存叵測。若不及早翦除。必

貽後患。焦潰滔業已解赴僧格林沁軍營。著該大臣提同董執信李標等三犯。卽行正法。其股首及千長百長。類皆桀驁不馴。並著僧格林沁嚴密查察。如仍怙惡不悛。著一併明正典刑。毋稍寬縱。該逆既有求南捻趙浩然等北來。並與劉前等豎旗北犯之供。仍著僧格林沁譚廷襄豫為防範。毋任竄越。

丙子

○
上諭議政王軍機大臣等有人奏請嚴緝匪棍一摺據稱去京百餘里外劫案疊出永平一帶尤甚昌黎縣武進士楊殿清與黃熾張德等結黨成羣騎馬持械橫行無忌擾害良民不可殫舉等語直隸盜匪蜂起疊次諭令文煜飭屬查拏諄諄訓誡至再至三雖據奏報間有拏獲而賊

匪肆擾如故。總由該督意存粉飾。一味將就。了事。以致各該地方官。並不實力奉行。昌黎匪棍。種種不法。該督何以平日一無聞見。若不及早殲除。勢必釀成巨案。著文煜密派幹員。實力查拏。務令悉數殲除。毋任一名漏網。該督接奉此旨。仍當通飭所屬。力戒因循。認真緝捕。若再視告誡為具文。存化有為無之見。定當一併從嚴懲辦。決不寬貸。

是日

上諭議政王軍機大臣等。遮克敦布等奏。北路騎馬賊匪。縱橫為害。派撥馬隊會同勦辦。一摺。直隸騎馬賊匪。出沒靡常。疊經諭令文煜等。實力勦捕。何以尚有匪蹤肆行。出入足見陽奉陰違。顛預了事。實堪痛恨。文煜身任疆圻。於所屬匪徒。肆劫橫行。不能迅速查拏。盡法懲治。一味畏

難苟安。養癰粉飾。捫心自問。其何以安。著卽嚴
飭。順德。趙州。文武各員。及隆平。柏鄉。內邱。甯晉
等縣。各帶兵勇。民團。會合。遮克。敦布。所派官軍。
實力。按捕。毋留餘孽。宋嵩。慶劣。名久著。甚不可
特。文煜。須知。意查。察毋為所欺。近聞。富莊。驛劉
廟^督一帶。騎馬賊。任意往來。行旅。為之戒嚴。搶劫
之案。層見。疊出。地方官。均不為嚴緝。並著該督
嚴密。訪查。認真。辦理。如各州縣。不肯實力。捕拏。

稽察

或至釀成巨患。卽行嚴參治罪。以清盜源。遮克
敦布等。亦卽嚴飭。帶兵各員。認真稽察。按查。毋
任一名漏網。

己卯

上諭議政王軍機大臣等官文奏訪拏荆澧二屬
謀逆匪徒悉數獲懲辦一摺湖北荊州府屬
與湖南澧州所屬之松滋石門等縣匪徒賈竹
林等屢次倡亂謀為不軌經官文飭令該府州
督屬嚴密訪拏於未經起事之先將首要各犯
悉數弋獲正法辦理甚為妥速當此賊氛未靖

四郊多壘之時，煽亂匪徒，亟應誅鋤淨盡。恐鄉曲偏隅，聚眾倡亂，伏而未發者尚多。該大臣仍當嚴飭各屬認真訪緝，防患未然，以免滋蔓。

七月甲辰

上諭內閣光祿寺少卿董元章奏請飭整頓京營

音察 遵查無誤 地五方輻湊良

清奸究清字誤否

徐

伯查方足以清奸
介址由巡城御史

與步軍統領衙門表裏稽查並令八旗滿洲蒙
古漢軍都統各按本旗所屬地面認真查察數

四郊多壘之時，煽亂匪徒，亟應誅鋤淨盡，恐鄉曲偏隅，聚眾倡亂，伏而未發者尚多，該大臣仍當嚴飭各屬認真訪緝，防患未然，以免滋蔓。

七月甲辰

上諭內閣光祿寺少卿董元章奏請飭整頓京營

稽查保甲等語，京師為輦轂重地，五方輻湊，良莠不齊，各城地面必須嚴密稽查，方足以清奸

究前經降旨八旗地方各按界址由巡城御史

與步軍統領衙門表裏稽查，並令八旗滿洲蒙

古漢軍都統各按本旗所屬地面認真查察數

月以來仍未見大加整頓此等緊要公事日久
尚未辦有端緒實屬玩泄著懍遵前旨實力辦
理並將各營積習力為掃除各該衙門堂官仍
須互相糾察如有派委之員及地面官等奉行
不力即行從嚴叅辦五城御史有稽察巡防之
責著將圍防保甲迅速詳定章程認真辦理儻
或日久懈生毫無實際必將該管各員官從重懲
處決不寬貸

己酉

上諭議政王軍機大臣等京畿地面五方輻湊良
莠不齊疊經諭令步軍統領衙門都察院於所
屬地面嚴拏奸宄編查保甲迄今數月未見實
力奉行實屬疏懈現在陝西回民滋事該教人
數眾多處處暗通息其散布京師內外城者尤
屬不少風聞該教人出有傳單約期議使恐有

外來奸回、意圖構釁、宜就稽察、開牌之時、明查
暗訪、如有滋生事端之人、即惟該頭人、事問、並
著步軍統領衙門、密為捕拏、毋得姑息、貽患其
外來客民、在寺觀、客店、雜院、居住者、行蹤無定、
最為藏奸、必須責成房主、須有切實可靠保人、
方准收留、遇有形跡可疑之人、隨時赴地、面衙
門送信、五城御史、責任巡防、務須親歷各處、嚴
密編查、隨時辦理、並督同司坊各官、實力奉行、

違則嚴行叅辦、至來歷不明之人、往往黏貼門
封告條、冒充官員住宅、著步軍統領衙門、五城
御史一體設法、嚴密訪察、根究毋令奸宄溷跡、
經此次密諭之後、如各該衙門於地面公事、仍
不認真經理、設有奸宄溷跡、必將該管地方官
從重懲處、決不寬貸、慎之

是日

上諭議政王軍機大臣等勞崇光奏查明恩平等

縣土客互原委並密陳辦理為難情形各摺片

廣東恩平等縣土著與客民互聞地延八旗事

事九年聞該處有因互聞戕害彈壓委員等

語寄諭垂詢茲據奏稱土客宿怨深仇醞釀日

久相持甚堅又各有所藉口操之過感則其戾

愈張辦理稍偏則禍激益烈又值各處土匪散
勇夾雜其中清理尤非易易惟有剴切開導先
禁鬧關很俾客籍得以散歸再行分別曲直嚴懲
首惡解散附從一面清還田產立約聯和等語
自係實在情形著即認真實力辦理飭令各該
地方印委各員並公正紳士善為曉諭總以分
良莠不分土客一語為持平辦理之要滇省回
漢釀禍已深與粵省客土情形究有區別滇回

異教本與我民不類粵之土客則本皆良民仇
釁有所自開關很有所不得已其愚頑甚可憫傷
能得公廉仁恕官紳委曲開諭俾釋干戈而登
衽席小民當未有不樂從者惟其勢已積重難
返且恐其中難免奸宄之民乘機煽亂益相固結
誠如該督所奏必先行設法解散良莠始可得
而分現在新會已經無事開平等土民稍知斂
跡陽春客民亦漸解散獨新興尚有屯聚該督

業經選調督標官兵及肇協之兵派員統帶以
資彈壓。如果有固執不悛有心抗違者自應示
以兵威俾知震懾。一經馴順即當悉心開諭使
之止息鬪爭各歸鄉里。並即豫籌善後之法以
靖地方而安良善。香港澳門華洋雜處奸匪易
藏尤不得以查無奸細匪船潛蹤遽弛巡緝省
城及各海口砲臺緊要亦應隨時豫為籌畫修
復之。毋徒畏難苟安致忘不虞之備。信宜匪

踞經年陳金缸尤為兇逆著該督迅飭帶兵文
武集團練勇速行勦辦毋任稽遲誅久距踞轉或蔓
延

八月戊午

○ 上諭議政王軍機大臣等巡視中城御史承繼等
奏籌議團防保甲章程及請飭步軍統領會同
巡查各摺片京師外城人煙稠密奸宄易於潛
藏該御史等所擬嚴飭司坊各員分查地面編
注門牌造具清冊各章程尚屬周備惟保甲雖
為良法行之不善往往視為具文全在該御史

等實力奉行。按日親歷巡查。既不可稍涉張惶。更不可始勤終怠。庶弭盜安良。地方藉資綏靖。至逐日分段親查。助理需人。著都察院查照。咸豐年間辦理團防成案。將外城居住之科道十員。繕寫名單。候旨簡派。內城團防。如清查十家戶。及稽察地面。均係步軍統領衙門應辦之事。惟內城地面廣闊。所有查旗科道各並著派令督辦內城團防事務。其從前襄辦內團防科

道亦著一同辦理。庶事有責成。不至推諉。至額設堆撥嚴防宵小。極為周密。乃日久玩生。半就廢弛。實堪痛恨。著步軍統領衙門會同五城認真整頓。並著循照舊章。申明夜禁。營汛等官。各回汛地。以專責成。其外城堆撥官弁兵丁姓名人並著按照地面造冊分送五城查覈。經此次明定章程之後。儻該營汛地面員弁仍敢陽奉陰違。巡查不力。致搶劫肆行。盜賊無獲。輦轂之

下匪類潛蹤定將該管官員等從重懲辦決不
稍寬

丁卯

○ 上諭議政王軍機大臣等文煜崇厚奏請將緝捕
不力之文武各員摘頂勒限嚴拏一摺已准將
靜海縣知縣鄧春林等摘去頂帶依議辦理矣
直隸地方屢有騎馬賊擾害行旅此次崇厚派
委都司阿精阿前往鹽山一帶查看馬撥於八
月初七日行抵靜海縣屬之唐官屯地方該匪

膽敢將行李公文一切搶去。經崇厚派令守備
王朝棟等馳往兜拏。並未能剋期弋獲。直至初
十日。該匪在唐官屯與副都統遮克敦布派出
委弁張得安接仗。經鄉團兵丁擊傷數賊。始向
西南竄去。且於靜海天津縣境續有搶劫之案。
該匪肆意橫行。藐法已極。著文煜崇厚遮克敦
布飭令派出各員弁會同該管地方官弁民團
合力兜拏。毋令遠颺。並著文煜嚴飭靜海縣知

縣鄧春林都司舒敏於失事地方勒限趕緊緝
拏。務獲。儻限滿無獲。卽著從嚴叅辦。以儆玩泄。

甲戌

上諭議政王軍機大臣等有人奏直隸騎馬賊匪
為害益烈地方官相率諱飾一摺另片奏賊匪
攜帶功牌人遂不敢詰問請飭查驗執照各等
語近因賊匪充斥疊次諄切嚴諭該督亦間以
獲犯多名入奏何以盜風仍未稍戢以致一出
都門人人自危是平日視弭盜為具文迨奉諭

旨輒參奏一二員以塞責其諱匿不報者不知凡幾賊以官為不足畏嘯聚愈多蔓延愈甚該督膺畿疆重寄任令屬員諱盜以致近畿地方盜賊充斥自問當得何罪天津等屬賊匪曾據文煜崇厚等奏派撥馬隊兜拏摺內所指景州等處地方並著文煜添派馬隊委明幹道府等官管帶前往實力巡查督飭該地方官嚴定限期遴派幹役協同兜拏查出窩藏之家密速掩

捕毋任遠颺並著嚴定勸懲如有拏獲巨犯者據實保獎限滿無獲者嚴參治罪凡有騎馬賊搶劫之案無論何處失事立即將文武員弁一概撤任不得以摘頂留緝虛應故事如查有諱匿之案該管道府與州縣官一律治罪至所稱臬司孫治自到任後通飭大道州縣如獲騎馬賊匪該管知府及獲盜之員親自來省審訊以致需索門包飯食等費人言藉藉僉謂諱匿以

諱盜之意，明示屬僚等語。著文煜查明，如果實有其事，卽著據嚴實參，毋稍徇隱。至騎馬賊翎頂戎裝攜帶功牌，假冒武弁，尤為慣技。前經降旨，軍營勇弁因事撤退，及告假回籍者，均由該省及各軍營給與執照，以憑查覈。卽著嚴飭該地方官切實盤查，如無執照印文者，卽行嚴拏，毋得僅以功牌為憑，受其蒙混。

戊寅

上諭議政王軍機大臣等文煜奏請添設馬勇緝捕騎馬賊匪一摺。據稱賊匪騎馳馬騁行蹤飄忽，各州縣營壯役汎兵無多，且係徒步，不能力追。擬設馬勇，遴員統統帶，何處有賊，卽往何處捕拏。所需買馬造器及口糧馬乾薪水等項，分別捐辦撥款。各等語。所奏尚屬可行。所有直隸省

城及各府廳州縣應設馬勇名數及分班查巡之處均著照所擬辦理惟招勇流弊不一而足文煜當嚴飭承辦各員認真挑選所雇各勇均須年力精壯確有身家取具的保及連環互保既不准以老弱充數復不得令逃兵遣勇濫充烏槍等技教演必須習熟庶幾募一勇可得一勇之力不至虛應故事自此次添募馬勇之後該督仍須嚴飭各該地方文武員弁協同擒拏

以期有犯必獲若日久懈生有名無實仍惟該督是問

閏八月丁亥

上諭議政王軍機大臣等王明奏曰民酒工互相
械鬪一摺奉天回民繁多動輒生事各處燒鍋
所雇酒工亦往往恃眾逞兇此次口角啟釁
敢糾眾出入邊門任意鬪狠若不妥速解散深
恐釀成巨案王明等已派協領豐恩等帶兵馳
往查辦著將疊次械鬪情形並無有殺傷確切

查明曲直持平剖斷至首惡不逞之徒仍著責
成賡瑞等親督兵役拏獲究辦仍分別良莠妥
為安撫以期迅速歲事現在雲南陝西回匪為
患甚巨其始亦起於細微皆地方官辦理不善
之所致盛京為根本重地儻耽延日久不能了
結致令尋仇報復留毒無窮惟該將軍等是問

上

辛卯

上諭議政王軍機大臣等都興阿奏防獲習教匪
徒一摺裏下河地方完善久為粵逆垂涎豈容
復有此等匪徒另生枝節都興阿派員拏獲曹
懷富等數名又起獲經卷數種會單結單判簿
歌句碑文及白布方旗各件其為結黨傳教居
心叵測已屬確鑿更難保不暗結江南粵逆乘

思逞。此事實為江北巨患。首犯韓富春、朱少
李侍商、吉得燦、吉長明及潘宋小、許鶴濤、張
沅、卽張沅、汰等。必應悉數弋獲。盡法懲治。方
使餘黨聞風解散。都興阿已飭署揚州守朱忻
前往秦州。會商喬松年設法嚴捕。並著吳棠遴
派得力員弁。會同密拏。務獲嚴行懲辦。不准一
名漏網。儻幾事不密。致該匪等匿跡遠颺。惟都
興阿、吳棠是問。曹懷富供內有習教之人。江南

最多。及韓富春等聚徒。或數千人。或一二萬人。
不等之語。邪教蔓延如此之廣。吳棠何以平日
毫無聞見。此項教匪所習係屬何教。摺內聲敘
殊未明晰。著卽將確實情形迅速具奏。並將起
獲之會單等件一併進呈。朱加和係習教重犯。
何以得於夜間渡河投水。看守管解之員有無
徇情故縱情弊。並著不動聲色嚴密查究。據實
具奏。

丙午

○ 上諭議政王軍機大臣等御史博桂奏土匪惑眾
斂錢謀為不軌請飭查拏等語山東濱州土匪
翟成吉等託言治疫惑眾斂錢招集亡命數百
人自號寨主因而嘯聚愈多近來匪徒倡亂其
初每起於至微皆由地方官諱匿縱容漸成燎
原之勢該省幅教各匪尚未撲滅豈容再有不

法之徒另行潛煽况濱州一帶向係鹽梟出沒
之區設被勾結辦理更形棘手著譚廷襄派委
妥員會同該地方文武各官確切查明迅速掩
捕務獲盡法究治以靖地方

丁未

上諭議政王軍機大臣等前因都興阿奏訪獲習
教匪徒當經諭令吳崇遴派員弁前往泰州一
帶查辦茲據吳崇奏查閱都興阿咨到經卷等
件並曹懷富等供不過喫齋學道拜師收徒其
經卷亦止是華嚴等經尚無違悖不法及創立
邪教名號等語愚民惑於果報之說念佛持齋

寢成風俗第傳徒聚眾結會歛錢黨與過多必至為地方之害且據都興阿奏訪聞該處入教者男婦俱穿白衣其家中祖先牌位一概劈毀稱為新新教匪犯左戎山即左城山又供稱係普渡教該習教民人如果立願修身何必均穿白衣手拏白扇等件作為記號又何至劈毀祖先牌位是否有新新教普渡教名號均應逐一根究以期弭患未萌州縣官失察地方教

匪處分頗重往往諱匿不報即委查各員率多瞻徇同官代為掩飾已獲之曹懷富等計已押解到浦即著吳棠親行研訊務得確情分別懲辦在逃之韓富春等各首犯仍勒限嚴拏毋令漏網並著飭令道員王蔭棠等會同運司喬松年等嚴密訪查總須嚴拏首犯解散脅從固不可展轉株連累及良善亦不可顛預草率貽患將來吳棠平日辦理地方諸事素能實心實力

茲事諒必能寬嚴得中妥協辦理

九月庚戌

上諭議政王軍機大臣等玉明等奏廟兒嶺突有
金匪闖入卡所軍械被搶並將卡官擁去等語
廟兒嶺卡所向有兵役駐守何以突被匪徒搶
劫該卡官平日不能認真防守庸懦無能殊屬
可恨驍騎校教力布著先行交部議處以示懲
儆該將軍所請於廟兒嶺木牙正南倉池三處

各建草房二十間。著照所擬妥籌辦理。卽令坐卡官兵照依換防限期常川駐守。惟旣建立房間。該兵役比戶而居。非若從前散處。猝難應變。務飭令該坐卡官督同兵丁逐日操演。嚴密稽查。不得有名無實。該將軍等仍須選派得力卡官前往駐守。不得以庸懦無能之循例充數。致滋貽誤。

應移靖奸究

于福計不節

張

上諭議政王軍機大臣等。本日又據張亮基奏川省匪徒有句留滇練情事。業經查明嚴辦等語。滇練遣散辦理已形棘手。豈容復有匪徒暗中句結。致生事端。除把總袁汶隴已由張亮基審明正法外。其袁幘楨一犯。卽著嚴飭永甯道迅速審訊。從重懲辦。至滇蜀交界之處甚多。必須

各建草房二十間。著照所擬妥籌辦理。卽令坐卡官兵照依換防限期常川駐守。惟旣建立房間該兵役比戶而居。非若從前散處猝難應變。務飭令該坐卡官督同兵丁逐日操演。嚴密稽查。不得有名無實。該將軍等仍須選派得力卡官前往駐守。不得以庸懦無能之流循例充數。致滋貽誤。

壬戌

上諭議政王軍機大臣等。本日又據張亮基奏川省匪徒有句留滇練情事。業經查明嚴辦等語。滇練遣散辦理已形棘手。豈容復有匪徒暗中句結致生事端。除把總袁汶隴已由張亮基審明正法外。其袁幘楨一犯。卽著嚴飭永甯道迅速審訊。從重懲辦。至滇蜀交界之處甚多。必須

地方官嚴行訪查堵禦方能無句結之患並著
駱秉章責成所屬實力查禁如有私留滇練者
卽行訪拏究辦儻該地方官諱匿不報卽著從
嚴叅辦

戊寅

○上諭議政王軍機大臣等文煜等奏派員會同各
路兵勇先後捕獲騎馬賊多名一摺直東交界
騎馬賊匪經文煜等遵奉疊次諭旨分派員弁
會同東省兵勇逐加梭查先後訪獲窩主滿相
林等並犯_匪五十餘名分別發交地方官監禁審
辦及就地正法現在劉智廟桑園一帶雖無巢

穴而該匪聞風潛竄難保不散匿各屬著文煜
譚廷襄嚴飭各該鎮道等分赴吳橋獻縣等處
認真偵察隨時訪拏並著崇厚遮克敦布飭令
派出之將弁會同各該地方官逐處搜捕務令
淨絕根株不至乘隙勾結如查有槍刃行旅居
民卽著將帶兵員弁及地方州縣嚴加叅處其
李玉春一犯雖訊無隨同搶劫情事惟旣在賊
中供其役使必非善類且京城審辦槍

劫各案但屬同夥無論首從皆立予正法原以
髮逆未除盜賊易於竊發不得不暫從重典以
安良善而靖地方所有李玉春一犯仍著文煜
等飭令承審之員從嚴訊辦毋稍寬縱

十月辛巳

上諭議政王軍機大臣等亳州一帶為羣捻匪萃
之區該處百姓亦皆、朝廷赤子止以從前地
方官吏未能拊循遂至為賊驅迫成固結莫解
之勢現在槽格林沁移師進剿各圩寨紛紛歸
正已由該大臣將投誠勇日降眾委令前驅立
功自贖惟撫馭居民安插降眾全在地方文武

認真辦理懲犯於初起消患於未萌方能日久
相安不至大軍一撤復萌叛志且該大臣現督
軍深入賊境解散脅從疏通餉道尤為第一要
著設已撫圩寨地方官吏處置未能得宜致逆
捻復行句煽尤於大營餉道關係非輕鄭元善
身任封圻唐訓方現署撫篆於皖豫善後事宜
均各責無旁貸務須秉公遴選擇其忠正廉能
精明幹練之員加之委任與該處團練紳董將

一切布置事宜妥為辦理務使歸正良民悉行
樂業如有潛萌叛志者仍當不動聲色密為訪
拏以靖地方

同甲午

○上諭內閣前因直隸山東等處地方屢有騎馬賊匪搶劫疊經諭令各該督撫等嚴飭所屬緝捕茲據御史楊榮緒奏騎馬賊帶有軍營執照地方官不敢捕拏等語軍營人員發給執照所以防奸宄溷冒易於稽查乃近日經手各員營私賄賣其得有執照者亦展轉相售無從稽覈多

有不逞之徒，夤緣入營，設法購買，以致在外為匪。藉作護符，地方官因案訪緝，見有執照，恐係軍營人員，不敢捕拏，遂多漏網。亟應嚴行查辦。嗣後各路軍營，遇有差出辦公人員，於給發文憑內，將所辦何事註明，並將委員姓名、人數及何項差使詳細開列，先行知會該處地方官。俟委員到境，勘驗差竣，繳銷其無辦公文憑，僅持空名執照者，卽作賊匪論。並將妄給執照之帶

兵官嚴行懲處。至給照須設立冊籍，每給一照，須營中委員出具甘結，照內註明不得私行出外，不得私相售賣字樣。違者軍法從事。出結之員坐罪，其有逐出軍營及遣回原籍，卽將執照追還。如有私帶逃走，飛咨各處地方官一體兜拏。如此嚴定章程，庶盜匪無從溷跡，軍律肅而

此句仍留○

孫

各路統兵大臣知之

有不逞之徒，夤緣入營，設法購買，以致在外為匪，藉作護符。地方官因案訪緝，見有執照，恐係軍營人員，不敢捕拏，遂多漏網。亟應嚴行查辦。嗣後各路軍營，遇有差出辦公人員，於給發文憑內，將所辦何事註明，並將委員姓名、人數及何項差使詳細開列，先行知會該處地方官。俟委員到境，勘驗差竣，繳銷其無辦公文憑，僅持空名執照者，即作賊匪論。並將妄給執照之帶

兵官嚴行懲處。至給照須設立冊籍，每給一照，須營中委員出具甘結，照內註明不得私行出外，不得私相售賣字樣。違者軍法從事。出結之員坐罪，其有逐出軍營及遣回原籍，即將執照追還。如有私帶逃走，飛咨各處地方官一體兜拏。如此嚴定章程，庶盜匪無從溷跡，軍律肅而地方亦靖。將此通諭各路統兵大臣知之。

是日

○ 上諭議政王軍機大臣等有人奏奏天盜風甚熾請飭嚴拏等語奉天省盜賊肆行疊經諭令王明等嚴拏懲辦揜斬多名乃該省盜風仍未少息總由地方官捕務廢弛習染成風匪徒日以騎馬劫掠為業竟有家不飢寒亦為羣盜裹脅偏而為賊者出則擾害行旅歸則為害鄉閭而

不肖官吏諱盜惟恐不及間有被盜之家擊斃
賊匪官吏轉以命案為詞將事主多方訛詐反
置盜賊於不問縱盜殃民莫此為甚奉天為根
本重地豈容有此莠民擾累著玉明和潤景霖
等嚴飭地方員弁認真緝捕務絕根株其破獲
多案者准其酌保給獎其諱盜不報者即行嚴
叅懲辦並出示曉諭居民遇有白晝行強明火
持械之賊准其合集鄰右協擊格殺無論地方

官不得藉端婪索庶免暴虐各知斂跡善良共得
安居該將軍等務當實力整頓不得視為具文
致干咎戾

十一月癸丑

○上諭內閣林壽圖奏緝盜章程一摺編查保甲最為州縣弭盜良法各地方官本應實力奉行所有編立十家門牌聯戶支更相為守望等法歷經刊布成書頒行照辦諄諄詔令不啻至再至三無如地方官吏日久視為具文虛應故事其實無一能實心任事者以致盜賊橫行緝捕廢

弛實堪痛恨。近來畿輔地重地騎馬賊行劫重案。層見疊出。尤屬不成事體。亟應將向來保甲章程。從新整飭。先事既可豫防。臨時亦足資協捕。以為戢暴安良之計。如該府尹所奏專任紳耆以重首事。嚴飭胥役以杜需索。均出公費。備置器械。覈實防守。兵夫添設梭巡。兵役及各該地方官親身稽查。以昭懲勸。各條均能斟酌成規。埽除積弊。衛民而不擾民。果能行之以實。持之

以久。何患盜風不為衰息。著林壽圖卽照所擬。與署兼管順天府府尹萬青藜嚴飭該管道廳州縣實力奉行。自降旨之日起。勒限一箇月。將各該管地方辦理一律整齊。由該府尹委員分路抽查。務整臻嚴密。其有能認真辦理。著有成效者。准其將該地方官及出力出貲之紳耆人等。分別保奏。用昭激勸。如敢仍前玩泄。或僅以稟報塞責。致地方仍有盜劫之案者。卽由該府

尹隨時嚴叅懲辦。該府尹等務宜整躬率屬。克踐所言。以除奸宄而靖地方。

辛酉

○ 上諭內閣御史佛爾國春奏州縣衙役包庇賊匪。請寬免失察處分。並禁率提原拏弁兵對質等語。前因吏部議覆寬減州縣緝捕處分章程。業經降旨將捕役窩盜一節。如經該管官自行查出。卽將失察處分概行寬免。各該州縣等既無所用。其迴護於破獲盜案。如審有衙役包庇情事。

自當據實申明該管上司嚴行懲辦以杜盜源
惟緝捕賊匪全在兵役互相按拏實力盤詰而
賊情狡譎往往將原拏兵役捏詞誣陷任意株
連承審官聽賊一面之詞輒將原拏弁兵提案
對質牽連拖累受害滋深以致兵役視捕盜為
畏途並不實力協緝無怪盜風日熾劫案繁興
嗣後各直省將軍督撫府尹等於所屬地方務
當飭令該管文武明白曉示如遇有搶劫盜匪

准兵役及居民行旅等格殺勿論其拏獲者立
卽訊明正法不准其任意妄供牽連原拏之人
致滋拖累並著內外問刑各衙門於移交賊犯
破除錮習認真審辦不准輕聽賊犯一面誣扳
之詞將原拏兵役率行提質以杜累擾而重緝
捕

應移入靖奸究。

張

○ 上諭議政王軍機大臣等前因有人奏熱河回民
劉寬聚眾滋擾當經諭令瑞麟嚴密查拏實力
究辦本日又有人奏賊首劉寬招集匪徒在平
泉州永清縣所屬各村莊疊次行劫搶奪標銀
並拒傷標丁多人嗣經平泉州捕役將劉寬拏
獲而該州知州金齡私行釋放迨標局職員常

壬戌

○
上諭議政王軍機大臣等前因有人奏熱河回民
劉寬聚眾滋擾當經諭令瑞麟嚴密查拏實力
究辦本日又有人奏賊首劉寬招集匪徒在平
泉州永清縣所屬各村莊疊次行劫搶奪標銀
並拒傷標丁多人嗣經平泉州捕役將劉寬拏
獲而該州知州金齡私行釋放迨標局職員常

生財控交熱河都統查拏而金齡之子與門丁
蕭八復敢縱令劉寬逃跑又捏報蕭八病故以
遂其延宕之計劉寬仍在赤峰縣地方聚匪搶
劫各等語熱河為畿北巖疆似此盜賊縱橫地
方有司暗與通氣若不從嚴懲辦必至釀成巨
患著瑞麟恪遵前旨督飭地方官弁將首犯劉
寬及其平日夥盜嚴密緝拏悉數弋獲不准一
名漏網並將金齡之子與其門丁蕭八一併提
到嚴訊如有縱賊通匪情事卽著據實嚴叅毋
稍諱飾瑞麟現在到任未久無所用其迴護想
斷不敢將此等重案設法消弭也

甲戌

○ 上諭議政王軍機大臣等據吳崇奏遵查械鬪一

在東臺地

殺之案尚

因買鮫與

徐

此條可移請軒完

本地民人口角船隻何以被焚詹以安及丁勇
水手人等何以被殺其中有無別情必須撤底

甲戌

○ 上諭議政王軍機大臣等據吳崇奏遵查械鬥一

案大概情形一摺此案焦湖各船屢在東臺地

方搶掠姦淫百姓被擾難堪激成鬪殺之案尚

屬事尚出有因第詹以安採米據奏僅因買鮫與

本地民人口角船隻何以被焚詹以安及丁勇

水手人等何以被殺其中有無別情必須徹徹底

根究嚴行懲辦方能使軍營地方辦理兩得其
平著吳棠嚴飭所屬迅將逸犯江麻子等緝獲
歸案研訊武舉夏澄夏芳係案內逞兇要犯現
經吳棠提訊堅不承認顯係恃符狡展著一併
斥革從嚴究辦以成信讞至拏獲之革勇呂酌
泉等訊與焦湖船結幫滋事並曾有買米濟賊
約期起事之舉現雖訊明正法尚恐黨與未盡
倏去倏來其湖廣匪船冒充委連^員檣結隊興販

私鹽雖經吳棠派兵驅逐出境亦難保不去而
復來萬一奸細溷跡為害地方所關非細著都
興阿等嚴飭各營帶兵員弁實力巡查有犯必

詹啟綸以下均帶

徐

案稍存札見以副委任將此由五百里各前令
知

根究嚴行懲辦方能使軍營地方辦理兩得其
平著吳棠嚴飭所屬迅將逸犯江麻子等緝獲
歸案研訊武舉夏澄夏芳係案內逞兇要犯現
經吳棠提訊堅不承認顯係恃符狡展著一併
斥革從嚴究辦以成信讞至拏獲之革勇呂酌
泉等訊與焦湖船結幫滋事並曾有買米濟賊
約期起事之舉現雖訊明正法尚恐黨與未盡
倏去倏來其湖廣匪船冒充委連_員檣結隊興販

私鹽雖經吳棠派兵驅逐出境亦難保不去而
復來萬一奸細溷跡為害地方所關非細著都
興阿等嚴飭各營帶兵員弁實力巡查有犯必
獲消患未形是為至要

現在賊匪竄入
等語
案稍存
知

語裏下河完善之區現值江南逆匪北竄時虞
窺伺豈容復有本境匪徒糾黨盈萬為患何可
勝言著都興阿富明阿吳崇會同嚴密訪查如
果有此等匪徒即將為首滋事之人嚴行拏辦
固不可激之生變亦不得養癰貽患坐任蔓延

吳崇身任地方尤當嚴飭所屬實行保甲使該
匪無所藏蹤以清境內

大清穆宗繼天開運受中居正保大定功聖智誠
孝信敏恭寬毅皇帝聖訓卷之一百五十四

老	琛	虛	私	募	數	是	否	屬	實	並	著	一	併	查	明	具	條	源
片	二	得	均	著	鈔	給	閱	看	將	此	各	諭	令	知	之	尋	奏	
矣	東	清	沙	民	風	質	撲	向	無	結	黨	滋	事	之	案	特	恐	
外	來	普	勇	泗	辨	其	中	已	飭	嚴	密	查	辦	捐	款	名	目	
雖	不	實	由	生	實	行	商	亦	能	不	分	別	辦	理	至	指	指	
等	亦	久	在	停	止	以	好	元	乃	具	楊	鐘	琛	有	無	藉	指	
不	已	清	不	行	詳	在	派	探	取	因								
六	十	下	五	批	示	天	旨	旨	旨	旨	旨	旨	旨	旨	旨	旨	旨	旨



